

## وصيتي

وصيتي وصية غالية

هوزع فيها تركتي

واللي جمعته من سنين عمري

اللي راحت

وأيامي القليله

اللي جاية

وعشان انتو غالين عليا

ولا عمر ف يوم غيبتو

عن عنيا

هكتبها لكو

هكتبها لولادي ولاهلي

وأحبابي

واخواتي واصحابي  
 و لكل الناس اللي عاشرتهم  
 وكانو عايشين حواليا  
 هكتبها لكل حد شاركني  
 فرحتي  
 ومد ايده لايديا  
 هكتبها لكل حد  
 واساني ف أحزاني  
 ومسح بايده دمعتي  
 وهي نازلة من عنيا  
 هكتب كمان للي جرح  
 واللي ظلم  
 واللي خان واللي غدر

واللي سرق  
واللي نهب  
واللي فارق  
واللي هرب  
واللي قتل واللي اتقتل  
واللي كذب  
واللي خدع  
واللي باع حتي نفسه  
واللي باع كمان اهله  
وعياله  
وصيتي هي كنزي  
وثروتي لسنين طوال  
جمعتها

بسعادتي وفرحتي  
 وجرحي وبكايها  
 جمعت فيها قصوري  
 وعزبتي وعربياتي  
 و ويخوتي و ابراجي  
 وفلوس كتيبيبيبيير جمعتها  
 مالهاش نهاية  
 وفي النهاية  
 بهديهالكو من كل قلبي  
 ومحبتي ورضايا  
 بهديهالكو ويمكن اكون  
 سبتلكو نكري حلوة  
 تنتفعو بيها طول حياتكو  
 وتكون ليكو البداية

وقتها يمكن اكون مشيت

ورحلت عنكو

واكيد مش هكون واخذ حاجة

ولا اي شىء معايا

وصيتي ...

قبل اي شي

تفنكرونى بدعوة حلوة

من قلوبكم الصافيا بالهداية

او ادعولي بالرحمة

والمغفرة

لو جتلکم بعد النهاية

## وصيتي

أن مش كل شي غالي وثمانين

تقدر بالفلوس

تشتريها

الحب والاخلاص

والعشرة المخلصة

مش بالفلوس

اصلك وقلبك الطيب

مش بالفلوس

الجدعنة والرجولة والشهامة

مش بالفلوس

راحة البال مش بالفلوس

انك تنام من غير تفكير يشغلك

مش بالفلوس

انك بتضحك ضحكة من قلبك

مش بالفلوس

انك بتتمني تاكل وتشرب

مش قادر مش بالفلوس

انك تعيش مع اللي بتحبهم

وهما رافضينك

مش بالفلوس

انك تفكر تشتري

كل حاجة بالفلوس ؟

يبقى انت مش فاهم

معني الفلوس

كل حاجة بتنتهي

مع كل وقت انت اشتريته